

**PROTOCOL AR GYFER CYFATHREBU DROS YR E-BOST AG ADRAN SIAWSRI YR UCHEL LYS YN Y LLYSOEDD BARN BRENHINOL**

**Cyflwyniad**

1. Mae'r protocol hwn (y "Protocol E-bost") yn amlinellu sut y caiff partïon ddefnyddio'r e-bost i gyfathrebu ynghylch materion penodol gydag Adran Siawnsri yr Uchel Lys Barn yn y Llysoedd Barn Brenhinol. Daw i rym ar 18fed Ebrill 2005.

**Mathau o ddogfennau y gellir eu hanfon dros yr e-bost**

2. Mae Cyfarwyddyd Ymarfer 5B y Rheolau Trefniadaeth Sifil ("Cyfathrebu a Ffeilio Dogfennau yn Electronig") yn berthnasol i Adran Siawnsri yr Uchel Lys Barn yn y Llysoedd Barn Brenhinol mewn perthynas â'r categorïau dogfennau y cyfeirir atynt isod.
3. At ddibenion paragraff 2.1(1) Cyfarwyddyd Ymarfer 5B, y "llys penodedig" yw Adran Siawnsri yr Uchel Lys Barn yn y Llysoedd Barn Brenhinol.
4. At ddibenion paragraff 2.1(2) Cyfarwyddyd Ymarfer 5B, y "dogfennau penodedig" yw:
  - (a) Dadleuon fframwaith, cronolegau, rhestrau darllen, rhestrau materion, rhestrau awdurdodau (ond nid yr awdurdodau eu hunain) a rhestrau o'r bobl sy'n ymwneud â ffeithiau'r achos ("*dramatis personae*") a anfonir cyn gwrandawriad. Dyma'r cyfeiriadau e-bost perthnasol ar gyfer y dogfennau hyn

<b>Ar gyfer gwrandawriad gerbron:</b>	<b>Defnyddiwch y cyfeiriad hwn:</b>
Barnwr	rcjchancery.judgeslisting@hmcourt-service.gsi.gov.uk
Meistr	rcjchancery.mastersappointments@hmcourts-service.gsi.gov.uk
Cofrestrydd Methdaliad	rcjbankruptcy.registrarshearings@hmcourts-service.gsi.gov.uk
Cofrestrydd y Llys Cwmnïau	rcjcompanies.orders@hmcourts-service.gsi.gov.uk

- (b) Telerau y cytunwyd arnynt ar gyfer Gorchymyn sy'n barod i'w selio yn dilyn y gwrandawriad. Dyma'r cyfeiriadau e-bost perthnasol ar gyfer y dogfennau hyn:

<b>Ar gyfer gwrandawriad gerbron:</b>	<b>Defnyddiwch y cyfeiriad hwn:</b>
Barnwr	rcjchancery.ordersandaccounts@hmcourt-service.gsi.gov.uk
Meistr	rcjchancery.ordersandaccounts@hmcourts-service.gsi.gov.uk
Cofrestrydd Methdaliad	rcjbankruptcy.registrarshearings@hmcourts-service.gsi.gov.uk
Cofrestrydd y Llys Cwmnïau	rcjcompanies.orders@hmcourts-service.gsi.gov.uk

5. Mae'r darpariaethau uchod yn disodli darpariaethau'r Canllaw Siawnsri mewn dwy ffordd o leiaf:
  - (a) Er gwaethaf paragraffau 7.26, 7.41 a 7.43 y Canllaw Siawnsri (argraffiad 2002), dylid defnyddio'r cyfeiriadau e-bost uchod ar gyfer anfon y dogfennau perthnasol dros yr e-bost hyd yn oed os yw enw'r Barnwr, y Meistr neu'r Cofrestrydd yn hysbys (oni bai fod y Barnwr, y Meistr neu'r Cofrestrydd yn gorchymyn fel arall).
  - (b) Mae paragraff 7.44 y Canllaw Siawnsri (argraffiad 2002) yn nodi, pan fydd angen dadl fframwaith, dylid rhoi llungopïau o unrhyw awdurdodau y dibynnir arnynt ynghlwm wrth y ddadl

fframwaith. Serch hynny, wrth gyflwyno dadleuon fframwaith dros yr e-bost yn unol â'r Protocol E-bost hwn, ni ellir cyflwyno awdurdodau gyda'r ddadl fframwaith (oni bai fod y Barnwr, y Meistr neu'r Cofrestrydd yn gorchymyn fel arall). Rhaid cyflwyno'r awdurdodau ar bapur yn y modd traddodiadol, hyd yn oed os cyflwynir y ddadl fframwaith dros yr e-bost.

6. Ar hyn o bryd ni ellir derbyn unrhyw ddogfennau eraill dros yr e-bost, ac eithrio'r rheini y cyfeirir atynt yn benodol ym mharagraff 4 uchod (oni bai fod trefniant penodol gyda'r Barnwr, y Meistr neu'r Cofrestrydd dan sylw mewn achos unigol). Yn benodol, ni cheir defnyddio'r e-bost i ffeilio datganiadau achos, hysbysiadau ceisiadau, affidafidau, datganiadau tystion, adroddiadau arbenigwyr, holiaduron dyrannu, holiaduron rhestru, rhestrau gwirio cyn-treial na datganiadau costau. Os bydd parti yn anfon unrhyw fath o ddogfen dros yr e-bost, ac eithrio'r rheini y cyfeirir atynt yn benodol ym mharagraff 4, ystyrir na fydd y ddogfen wedi cael ei chyflwyno.
7. Nid bwriad y Protocol E-bost hwn yw cyfyngu ar ddisgresiwn y Barnwr, y Meistr na'r Cofrestrydd i ddefnyddio technoleg gwybodaeth i raddau mwy, neu lai, mewn achos priodol, fel y rhagwelir ym Mhennod 14 y Canllaw Siawnsri (argraffiad 2002).
8. Pan fydd parti yn anfon dogfen dros yr e-bost rhaid parhau i gydymffurfio ag unrhyw reol neu gyfarwyddyd ymarfer sy'n mynnu bod y ddogfen yn cael ei chyflwyno i unrhyw berson arall.
9. Er mwyn osgoi amheuaeth, ar hyn o bryd nid yw Adran Siawnsri yr Uchel Lys Barn yn y Llysoedd Barn Brenhinol yn derbyn dogfennau sy'n cael eu ffeilio'n electronig drwy'r gwasanaeth ffurflenni ar-lein y cyfeirir ato yn adran 11 Cyfarwyddyd Ymarfer 58.
10. Nid oes unrhyw beth yn y Protocol E-bost hwn:
  - (a) Yn mynnu bod yn rhaid i unrhyw berson dderbyn dogfen wedi'i chyflwyno dros yr e-bost.
  - (b) Yn effeithio ar unrhyw drefniadau ar gyfer cyfathrebu gydag unrhyw Gofrestrfa Ddosbarth neu lys sirol, boed hynny'n ymwneud â busnes Siawnsri ai peidio.
11. Nid yw'r e-bost yn gyfrwng cyfathrebu diogel. Rhaid i bartïon beidio ag e-bostio dogfennau cyfrinachol na sensitif. Rhaid cofio hyn yn enwedig mewn achosion a wrandewir yn gyfrinachol.

#### **Ffur y neges e-bost a'r atodiadau**

12. Os yw enw'r Barnwr, y Meistr neu'r Cofrestrydd perthnasol yn hysbys, dylai corff y neges e-bost nodi'r enw hwn yn glir.
13. Mae paragraff 4.1 Cyfarwyddyd Ymarfer 58 wedi cael ei newid er mwyn datgan y dylai'r neges e-bost "fod mewn testun plaen neu HTML yn hytrach na fformat testun cyfoethog", ond mae gweddill y paragraff yn parhau i fod yn berthnasol.
14. At ddibenion paragraff 4.5 Cyfarwyddyd Ymarfer 58, cefnogir y fformatau canlynol ar gyfer atodiadau:
  - (a) Fformat Microsoft Word (Word 97 neu Word 2000) (ffeiliau .doc).
  - (b) Fformat Adobe Acrobat (a elwir hefyd yn Fformat Dogfen Gludadwy) (ffeiliau .pdf).
  - (c) Fformat Testun Cyfoethog (ffeiliau .rtf).
  - (d) Testun plaen (ffeiliau .txt).
15. At ddibenion paragraff 4.7 Cyfarwyddyd Ymarfer 58, rhaid i gyfanswm maint y neges e-bost (gan gynnwys pob atodiad) beidio â bod dros 8MB.

#### **Derbyn negeseuon e-bost yn y Lllys**

16. Anfonir cydnabyddiaeth y derbyniwyd y neges e-bost. Nid yw'r neges hon yn cydnabod y derbyniwyd y neges e-bost gan y sawl y bwriadwyd iddo/iddi ei derbyn, dim ond cydnabyddiaeth y derbyniwyd y neges gan un o'r blychau post canolog a restrir ym mharagraff 4 uchod.